



茅山志金薤編第十二篇上卷之十四

上清嗣宗師劉大彬造

齊梁詩

華陽石頌十五首

陶隱居

河篇徵往冊孔記昭昔名三宿麗天秀兩金標地英 樞域  
 宅无乃生有在在則還空靈楨不待正虛形自成功 貞象  
 摠神列三府分涂友五便陰暉迎夜指晨精望曉懸 形位  
 南峯秀玄鼎北嶺橫秦鮮表裏玉沙津周回隱輪迹 標貫  
 左帶柳研水右浚陽谷川土懷北芒色井冽鳳門泉 區別  
 郭干峙留岸姜巴且遠蹤鶴廟或時饗別宅乃恒恭 跡号  
 吳居非知地越冢詎隱遷對蓋徒低蔭石竈未嘗烟 類附  
 果林鬱餘柰蔬圃蔓遺辛爨芝可燭夜日泉嘗浣塵 物軌  
 降灣龜山客解駕青華童寢宴含真館高會蕭閒宮 游集

清歌翔羽集長蕭歸雲翻子紘有逸調空談无与言 才英  
標會雷平下立靜連石陰上道已冲念飛華當軫心 學稟  
濟神既有在去留從所宜心迹何用顯冥途自相知 業運  
方隅游瓊刃華陽和隱居重離倘或似七九乃扶骨 挺契  
号期行當滿亥數未終了追乃承唐世將賓來聖庭 機前  
刊石玄窓上題誠曲階門動靜願矜錄不負保舉恩 誠期

香詒問

山中何所有嶺上多白雲只可自怡悅不堪持寄君

告逝篇

性靈昔既肇緣業久相因即化非冥滅在理澹悲欣冠劍空  
衣影鏘響乃仙身去此胎軒侶結彼瀛臺賓倘能踵留轍為  
子道玄津

入山尋桓清遠不遇

邵陵王蕭綸

荆門丘壑多巖窟風雲入自非和道情誰堪霜露濕

初入山作

桓法闡

寒谷夜將晨置賞復尋真方壇垂密葉激水度朱鱗杏林雖  
伏獸芝田詎俟人丹成方轉石鑪變欲銷銀當知勝地遠於  
此絕躑塵

酬華陽陶先生

沈約

三清未可覲一氣且空存所願回光景拯難拔危蒐若蒙九  
丹贈豈懼六龍奔

還園宅奉酬華陽陶先生

早欲尋名山期待婚嫁畢二事雖六已此外復非一忽聞龍圖  
至仍覩榮光溢副朝首八元開壤賦千室冠履曾弗露風雨  
未嘗擲鳴玉響洞門金蟬暎朝日慙无小人報徒叨令尹秩  
豈忘平生懷靡監不遑恤

華陽先生登樓不下贈王

側聞上士說尺木乃騰霄雲駟不展地仙居多履樵卧待三  
芝秀坐對百神朝銜書必青鳥嘉客信龍鱗非止靈桃實方  
見大椿凋

奉華陽王外兵 隱居別易氏号

餐玉駐年齡吞霞返容質眇識青丘對回見博桑日爛燬  
雲舒歎崑山海出

答句曲先生

范雲

終朝吐祥霧薄晚孕奇烟迴澗生芝草重崖出醴泉中有懷  
真士被褐守冲玄石戶栖十秘金壇謁九仙乘鸞方履漢鸞  
鶴上騰天

唐詩

酬茅山權器

皇甫冉

南望江南滿山雪此情惆悵將誰說徒隨羣吏不曾閒顧与  
諸生為久別聞君靜坐轉耽書日種樹葺葺茅還舊居終日白  
雲還自是明年芳草又何如人生有懷若不展出入公門猶  
未免回舟早晚待春風先報莖陽洞深淺

送陸潜夫往茅山

游仙洞子訪真官真瑤席子禮石壇忽髣髴子雲擾杳陰深  
子夏寒欲回頭子揮手便辭家子来否有婚嫁子嬰纏待歸  
来子已久

送張道士歸茅山

向山獨有一人行近洞應逢隻鶴迎唯以素書傳弟子還因  
白石号先生无窮杏樹綠山種幾許芝田向月耕師事少君

年歲久欲隨毛節徃青城

送鄭負外入茅山

但見全家去寧知幾日還白雲迎谷口流水出人間  
冠冕情遺世神事滿山其中應有物豈貴一身閒

送鄭二之茅山

水流絕澗終日草長深山暮春犬吠雞鳴幾處條  
桑種杏何人

山居即事

顧況

下泊降茅仙蕭閒隱洞天楊君關上法司命駐流年  
崦合桃華水窓分柳谷烟抱孫看種樹倚杖問耘田  
世事休相擾浮名任一邊由來謝安石不解飲靈泉

崦裏桃華

崦裏桃華逢女冠林間杏葉落仙壇老人方授上清籙  
疲聽步虛山月寒

大茅嶺東新居憶亡子從真

谷鳥猶呼兒山人夕霑襟懷哉隔生死悵矣徒登臨  
東門憂不入西河過亦深古來失中道偶向經中尋  
大象无傳輪候忽成古今其天非不幸鍊形由太陰  
凡欲攀雲階辟如火鑄金虛室留鷲札洞房掩閒琴  
泉源登方諸上有空青林彷彿通寤寐蕭寥邈微音  
軟草被汀洲鮮雲昭浮沈頽景宣疊麗紺波響飄淋  
石窟含雲巢迢迢耿南岑悲恨自茲斷情塵詎能侵  
真靜一時寢坐起唯從心

思歸桃花崦二首

癡棄忝殘生後來亦先夫詩人感風雨長夜何時曉  
去國宦情无近鄉歸夢少底身絕中援甘靜忘外擾  
麗景憂重陰洞山空水表靈潮若有信寄謝西飛鳥

朝与佳人期碧對坐紅萼暮与佳人期飛雨洒青閣  
佳人宿

何許中夜心寐寔始憶花正開復驚葉初落行騎飛泉鹿卧  
聽雙海鶴嘉願有所從安得處其薄

題盧道士房

秋砧響落木共坐茅君家唯見兩童子門前汲井花空壇靜  
白日神鼎飛丹砂塵尾拂霜草金鈴搖露霞上章塵世隔看  
奕桐陰斜稽首問仙要黃精堪餌花

憶山中

春還不得還家在最深山蕙圃泉澆濕松窓月暎閒薄日臨  
谷口小職向人間去處但無事重門深閉關

送李道士歸桃華嶺

入境年虛擲仙源日未斜羨君乘竹杖辭我隱桃華鳥去寧  
知路雲飛似憶家莫愁容髮改自有紫河車

夜中望仙觀

日暮銜花飛鳥還月明溪上見青山遙知玉女窓前對不是  
仙人不許攀

酬韋夏卿送歸茅山兼綦毋正字

玉帝居金闕靈山幾處朝簡書猶有畏神理詎能起鶴廟新  
家近龍門籙國遙離魂結不斷洞府一吹簫

送顧況歸茅山

韋夏卿

聖代為遷客虛皇作近臣法尊稱大洞著作已受  
上清華法學淺忝初真

奉同

綦毋誡

謫宦聞嘗賦游仙便作詩白銀雙闕愜青竹一龍騎先入芝  
君洞旋過葛稚陂无然列禦寇五日有還期

答贈木耳一名對雞

韓愈

軟濕青紅狀可倩欲烹還喚木盃回想君直入華陽洞寄

乘龍左耳來

剡溪逢茅山道士

張籍

茅山近別剡溪逢玉節青玉十二重自說年年上天去羅  
最近海邊峯

贈茅山楊判官

應得烟霞出俗心茅山道士共追尋閒吟鶴白偏能畫暗  
桐音自作琴長嘯每來松下坐新詩堪向雪中吟征南幕  
多賓客君獨相知最校深

寄華陽孫鍊師三首

李德裕

何地景備然華陽第八天松風清有露蘿日靜无烟乍警溪  
墮鶴時嘶玉對蟬欲馳千里思唯戀鳳門泉  
石上溪蓀發紫茸碧山幽藹水溶溶  
萱花定是無人見春日  
唯應羽客逢

獨尋蘭渚玩遲暉閒倚松窓望翠微遙想春山明月曙玉墮  
清磬步虛歸

遙傷茅山孫尊師三首

蟬蛻遺虛白蜺飛入上清同人悲劍解舊友覺水輕黃鶴溪  
將舉斑麟儼未行唯應鮑靚室終夜識琴聲

空宇留丹竈層霄被羽衣瞻山聞化遺馬尚鳧飛數日奇

香在何年白鵠歸想君游下泊方嘆里閭非

金格期初至颯輪去不停山摧武擔石天墮少微星弟子悲

徐甲門人泣蔡經空聞留玉馬猶在阜鄉亭

尊師是桃源黃先生得法弟子嘗見尊師稱先師靈

跡今重賦此詩兼寄題黃先生舊館

後學方成市

今茅山宮觀道士  
並是先生弟子

吾師久上廬洞天應不夜源對只知

春

此並蹟  
地源事

碁客留童子

瞿仙童即先生弟子桃源  
得仙人碁子載在傳記

山精避直神

先生初至茅山童子  
撰編法鏡有聲先

生提山神所為以符名致之其靈異如此

无因握石髓分與養生人

右四詩石刺唐會昌癸亥年暮春十八日秘書郎上柱

裴質方書

溪蓀

楚客重蘭蓀遺芳今未歇葉抽清淺水花照暄妍節紫艷映渠鮮輕香含露潔離居若有贈暫與幽人折

自紫陽觀至華陽洞簡李延陵

劉長卿

石林媚烟景句曲盤江甸南望佳氣濃峯峯遙隱見漸臨華陽口微路入蒼樾七曜懸洞宮五雲抱深殿銀函竟誰發金液徒堪薦千載空桃華秦人深不見東溪喜相遇貞白如會面青鳥來去閒紅霞朝夕變一從整貞骨萬里乘飛電蘿月延步虛松風醉閒宴幽人即長往茂宰應交戰明發歸琴堂知君懶為縣

宿華陽洞寄衣稱

李端

花洞晚陰、仙壇隔杏林漱泉春谷冷擣藥夜窓涼石上開山酒松間對玉琴戴家溪北住雪夜去相尋

贈茅山道者

姓字不書高士傳形神自得逸人風已傳花洞將秦接更指茅山與蜀通懶說歲年齊絳老甘為鄉曲号涪翁終朝賣卜无人識樊服徒行入市中

題李尊師山房

秦系

天師百歲少如童不到深山竟不逢洗藥每臨新瀑水步虛時上最高峯籬根五月留殘雪壇右千年蔭恠松此去人寰知遠近回看雲壑一重重

柳谷汧故居

權德輿

下馬荒郊日欲曛潺湲石溜靜中聞鳥啼花落无人處寂寞



山窓掩白雲

春游茅山酬杜評事見寄

喜得賞心處春山豈計程連溪芳草合半嶺白雲晴絕澗飲  
冰碧仙壇挹瀨清懷君在人境不共此時情

題崔山人草堂

竹迳茅堂接洞天閒持麈尾漱春泉世人車馬不知處時有  
歸雲到枕前

下第後寄高山人

顧非熊

我堂屋前仰視大茅顛潭淨鳥聲異地寒松色鮮人眠甕  
牖月鹿飲鳳門泉多愧怜高隱无成又一年

贈茅山高拾遺

人皆貪利祿白首更營營若見无為理兼忘不朽名幽禽窺  
飯下好藥入籬生夢覺岩泉滴猶疑禁漏聲

成名後歸茅山酬羣公見送

此名誰不得人賀至公難舊業承家了離筵去國歡暮天行  
蕩斷曉渡落潮寒舊隱茅峯下松根石上盤

酬鄭史君見送歸茅山

餞行詩意厚惜別酒筵重解纜城邊柳還舟海上峯飲猿當  
瀨見浴鳥帶槎逢吏隱應難遂為霖是蟄龍

茅山贈梁尊師

許渾

雲屋何年客青山白日長種花春掃雪看錄夜焚香上象壺  
中澗浮生夢裏忙幸承仙籍後乞取大還方

贈何處士

東望茅山北去秦梅仙書裏說知人白頭煮石青山下雖遇  
唐生不敢親

贈茅山高拾遺二首

李商隱

諫獵歸來綺里歌大茅峯影薄秋波山齋留客掃紅葉野迳  
送僧披綠紗長覆舊圖其勢盡編添新品藥名多雲中黃  
鶴日千里自宿自飛无網羅

一笛迎風萬葉飛強携刀筆換征衣潮寒水國秋砧早月暗  
山誠曉漏遲岩響遠催行客過浦深遙送釣船歸中年未識  
從軍樂虛近三茅望少微

送顧秀才歸丹陽

王建

江城柳色海門烟欲到茅山始下船知道君家當瀑布曾蒲  
潭在草堂前

茅山道中

趙嘏

溪對重水亂流馬嘶殘雨晚程秋門前便是仙山路目斷  
寒雲不得游

秋日寄華陽山人

高蟾

雲木送秋何草草風波凝冷太星星銀鞍公子竟堪斷玉斝  
將軍涕自零茅洞白龍和雨看荆溪黃鸝帶霜聽人間不見  
清涼事猶向溪翁乞畫屏

懷三茅道友

熊皎

塵事何年解客朝十年容易到三茅長思碧洞雲窓下曾借  
黃庭雪夜抄丹桂有心憑至論五峯无信問涑交杏壇仙侶  
應相咲只為浮名未肯拋

題茅山仙臺藥院

劉言史

擾、浮生外華陽一洞春道書金字小仙圃玉苗新芝草迎  
飛燕桃華咲俗人樓臺爭儻漢雞犬亦嫌秦願得青芽散長  
年住此身

游地肺六言

四賢請揚郭二許

章孝標

市朝擾、千古林壑冥、四賢黃鶴不歸丹竈白雲自養芝田

溪灘永夜流月羽翼清秋在天高跡無人更躡碧峯寒落孤烟

金陵道中酬茅山廣文南陽博士 三首 皮日休

寒嵐依約認華陽遙想高人卧草堂半日始齋青飢飯移時  
空印白檀香鶴鳴入夜歸雲屋乳管逢春落石床誰道夫君  
无伴侶不離窓下見羲皇

住在華陽第八天望君唯欲結良緣堂扃洞裏千秋燕厨蓋

岩根數斗泉壇上古松疑度世林間幽鳥恐成仙不知何事迎

新歲烏納裘中一覺眠 烏納裘見王筠集

五色香烟惹肉文 許遠游境香五色煙 石飴初熟酒微醺將開丹竈那防鶴

欲箕碁圖却望雲海氣半生當洞見瀑冰初折隔山聞如何

此外无交者一卧金壇祇有君

奉和

陸龜蒙

一片輕帆背夕陽望三峯拜七真堂 二茅揚 天寒夜漱雲芽淨

雪壞晴梳石髮香自拂烟霞安筆格獨開封檢試砂床莫言

洞府能招隱會輟輒輪見玉皇

壺中行坐可携天何況林間息萬緣組綬任垂三品石珮環從

落四公泉丹臺已運陰陽火碧簡須離次第仙想得雷平春

色動五芝煙甲又芋眠

良常應不動移文金醴從酸亦自醺 真語太平家酒微酸 桂父舊歌飛絳雪

桐孫新韻倚玄雲春臨柳谷鷺先覺暖動蕪香鶴共聞环重

雙玉條脫盡憑三鳥寄羊君

懷華陽潤卿博士三首 日休

先生一向事虛皇天市壇西與世忘床脚支龜看魚訣刀圭

餌犬試仙方靜探石髓衣裾潤閒練松脂院落香聞道徵賢

須有詔不知何日到良常

冥心唯事白英君不問人間爵与勳林下醉眠仙鹿見洞中

閒話隱芝聞石床卧苦渾无薜藤篋開希恐有雲記得玉皇  
訓詔樣青瓊版上綠為文

鳳骨輕來稱瘦容華陽館主未成翁數行玉札存心舊一掬  
云採嗽齒空白石煮多熏屋黑丹砂埋久染泉紅他年欲事  
先生去十賚須加陸逸冲

奉和

龜蒙

幾降真官受隱書洛公曾到夢中无眉間入靜三辰景肘後  
通靈五岳圖北洞對形如曲盖東凹山色似熏鑪金壇福地  
能容否願作岡頭蔣負芻

火景應難到洞宮蕭閒堂冷任天風談玄塵尾拋雲庑服散  
龍胎入酒中有路還將赤城接无泉不共紫河通竒編早晚  
須傳受免問神仙向葛洪

終日焚香禮洞雲更思琪對轉勞神曾尋下泊嘗經月不到

中峯又累春仙道最高

玉錄暑天偏稱白綸巾清齋若見

茅司命乞取朱兎十二大

朱兎事見  
正真隱訣

華陽張博士欲

居荆襄因寄之

日休

地肺從來是福鄉廣文高致更无雙青精飯熟雲侵竈白術  
棗成雪濺窓暎日竹窓千萬字經冬木煎兩三缸鱸魚自是  
君家味莫背松江憶漢江

代廣文酬

龜蒙

不知天隱在何鄉且欲烟霞跡雙鶴廟未能齊月馭鹿門  
聊擬並雲窓薜衝荒磴移桑屐花浸春醪滿石缶莫惜撻頭  
容釣伴也應東印有餘江

送潤卿懷華陽

日休

雪打蓬舟離酒旗華陽居士半酣歸逍遙只恐逢雲持恬澹  
真應降月妃仙市鹿胎如錦纈陰宮燕肉似酥肥公車草合

蒲輪壞爭不教他日日飛

同前

龜蒙

何事輕舟近鴈回茅家兄弟待歸來封顯玉洞虛无奏點檢  
霜壇沈澹杯雲肆先生分氣調山圖公子愛詞才殷勤為向  
東卿薦洒掃含真雪後臺

南陽博士還雷平後寄

同前

微：春色染林塘親撥烟霞坐澗房陰洞雪膠知未入濁醪  
風破的偷嘗芝臺曉用金鑿煮星度閒將玉鈴量幾遍侍晨  
官欲降曉壇先起獨焚香

同前

日休

春采溶：釋凍塘日晴閒燕坐岩房瓊函靜感无人見金液  
初開与鶴嘗八會舊文多榻寫七真遺誥乘思量不知夢到  
驚何處紅藥滿山烟月香

寄懷華陽潤卿

同前

應門山下捕魚郎今向江南作渴羗无事只陪看鶴相有錢  
唯欲買湖光醉來渾忘移花處病起空聞焙藥香何事對君  
猶有愧一蓬風雪返華陽

奉和

龜蒙

高抱相逢各絕塵水經山疏不離身才情未擬湯從事玄解  
猶嫌竺道人霞染洞泉渾變紫雪披江對半和春誰怜故國  
无生計唯種南塘二畝芹

再寄潤卿

日休

高眠可為要玄纁鶴尾金爐一世焚塵外鄉人唯許椽山中  
地主是茅君將收芝菌唯防雪欲晒圖書不柰雲若使華陽  
終卧去漢家封禪用誰文

酬嚴美倒用前韻

張賁

尋疑天未喪斯文故選茅峯寄白雲酒後只留滄海客香前  
唯見紫陽君近年已絕詩書癖今日無精筆研焚為有此身  
猶苦患不知何者楚玄纁

奉和

龜蒙

忽辭明主事真君直取姜巴路入雲龍篆拜時輕誥命霓襟  
後後小玄纁峯前北帝三元會石上東卿九錫文應咲世間  
不利火等閒靈府剩先焚

文謙招潤卿辭以道友將至因寄

同前

仙客何時下鶴翎方瞳如水躬華清不過傳達揚君夢從許  
人間小地聽

和

日休

颯馭已應歸杳眇博山猶自對氤氳不知入夜能來否紅鸞  
先教刺五分

答

賁

仙侶无何訪蔡經兩煩韶濩出彤庭人間若有登樓望應恠  
文星近客星

謝潤卿惠飢飯

日休

傳得三元飢飯名大宛間說有仙卿按西梁子文黃錦素書大宛北谷子号青精先生分泉過屋  
春青稻以飯以青精造之拂霧影衣折紫莖南蜀色微紫蒸處不教雙鶴見服  
來唯怕五雲生草堂空坐无飢色時把金津漱一聲

同前

龜蒙

舊聞香積金山食今見青精玉斧殮自咲鏡中无骨錄可能  
飛上紫霞端

送董少卿游茅山

日休

名卿風度足杓斜一舸閒尋二許家天影晚通金井水山靈  
深護玉門砂空壇禮後鎖香毋陰洞緣時觸乳華盡待于公

作廷尉不須從此便瓊霞

同前

龜蒙

威輦高懸度世名至今仙裔作公卿  
將隨羽蓋朝珠闕曾佩魚符管赤城  
雲凍尚含孤石色雪乾猶墮古松聲  
應知四扇靈方在待取歸來綠髮生

寄何道士

同前

終身持玉律丹訣未應傳況是曾同宿  
相違便隔年問顏知更少聰論想逾玄  
古籙文垂露新吟句絕烟蜂供和飭  
蜜人寄買山錢紫燕長巢洞青龜忽上  
蓮篋藏微隱詔褰佩攝生篇圃暖芝臺  
秀岩春乳管圓林栖孫子鶴堂宿弟兄  
仙幸閱靈書次心期賜一編

洞宮秋夕

月午山空桂華落華陽道士雲衣薄  
石壇香散步虛遲彩露

冷滴栖鶴

寄懷華陽道士

華陽門外五芝生殫罷愁君入杳冥  
遙夜獨栖還有夢昔年相見便忘形  
為分科斗侵釧繫與說蜉蝣吐竹櫺  
醮後幾時歸紫閣別來終日誦黃庭  
閒教辨藥童名甲靜識歸巢鶴姓丁  
絕澗飲羊春水膩傍林燒石野烟腥  
深沈谷響含踈磬片段嵐光落畫屏  
休採古書探禹穴自刊新曆闕堯蓂  
珠宮鳳合迎蕭史玉籍人誰訪蔡經  
架上黑緣長褐穩索頭丹篆小符靈  
霓軒入洞齊初月羽節升壇拜七星  
當路獨行衝席豹向風孤嘯起雷霆  
疑神密室多生白叙事聯編盡殺青  
匣地山形香暗寫隱天符籙祗閒聽  
分張火力燒金竈拂拭苔痕洗酒餅  
翠壁上吟朝復暮暖雲邊卧醉還醒  
倚身長短裁筇杖借客高仞結草亭  
直用森巖朝北帝受將清淺問東溟  
常

思近圃看裁否擬借鄰峯伴采苓  
揜對半扉晴藹背琴殘  
燭曉焚二籥來捫蝨知玉猛欲去為龍嘆  
管寧蟾蜍幾應臨  
蕙帳漁竿獨尚枕楓汀含烟細草无端綠  
冒雨開花作意馨  
掠岸鶻波沈翡翠入簷斜照凝蜻蜓  
初征漢棧宜飛檄待破  
燕山好勒銘六轡未收千里馬一囊空負九秋螢  
我悲雌伏  
真方柄他聘雄才似建瓴合在深崖齊散木  
自求滄海點浮萍  
頻拋俗物心還爽遠憶幽期自剩曠已買扁舟束真誥手  
披仙語任揚舲

寄茅山何威儀二首

大小三峯以九華靈踪今盡屬何家  
漢時仙上雲顛鶴蜀地  
春開洞窟花間傍積嵐尋瀑眼凍凌殘雪採芝芽  
年來已奉  
黃庭教夕鍊精魄曉吸霞

曾向人間拜節旌乍疑因夢到仙曹  
身輕曳羽霞襟狹髻篸  
我烟塵憤高山暖不葦峯上北水寒仍落洞中枕  
徒聞此日  
搜奇話轉覺魂飛夜勞

送人罷官入茅山

呼童曉拂鞍歸上大茅端薄俸雖休入明霞  
自足猿暗霜松  
葉赤疎雨草堂寒又鑿中峯石重脩拜月壇

句曲山朝真詞并序

歲十二月二日句曲山道士朝真于大茅峯上學神仙有至自  
千万里者余距華陽天程止信宿塵約不能遂去馳神旦  
忽若戴昇矣因作朝真詞迎送各一解以自塞意

迎真

九華磬答寒泉急十絕幡搖翠微濕司命旌旌未下來焚香  
抱簡凝神立殘星下照霓襟冷缺月繞公鶴輪影空洞靈章  
發一聲春來万壑烟花醒



送真

紫雲鳳簪飄然解玉鉞玄筆  
光邁朝真弟子情无言再拜  
碧杯添沈澀大鈴跳擲龍毛益  
壯髮青一綴緯萬象銷沈  
一瞬間空餘月外聞殘珣

江南懷寄華陽山人

柳髮涼天曙含豪故國情歸心一  
爽控病體九秋聲忽起襟  
補詠因悲格緯鳴逢山即堪隱何  
路可圖榮採策空占命持  
竿豈釣名忘憂如有待縱懶似无  
管小逢才分草科靡劣非  
荆冷荷承露的疎菊卧烟差譜為  
聽琴閱圖因看海燈鷺毛  
浮島白魚尾波瀾庭楫任攀嗅園  
葵旋折烹飢鳥窺食案  
聞鼠落書棚豆悲楊惲投瓜憶衛  
於東鄰誰處士南郭白  
先生今野星多蹇連山卦少亨衣  
裾徒博大文籍漫縱橫蘭  
葉騷人佩尊絲肉史羨鷗寇雖適  
越羊酪未饒魚倚粥微抽

恨論玄好析醒栖遲勞鼓篋豪俠  
愛金虀鍊藥傳丹鼎嘗茶  
試石甃治連枯葦暗窓對脫梧明  
未達譏張翰非才嫉彌衡  
遠懷魂易黯幽憤骨堪驚厲缺知  
才利磨瑕見璧瑛道源疏  
的漉儒術售精誠敢歎良時擲猶  
勝配母櫻相秦猶幾死王  
漢尚當黥飲啄期應定窮通勢莫  
爭兒針為阜隸譚咲得公  
卿浴日安知量追風不計程塵埃  
張耳分肝膽季心傾諭蜀  
專操檄通甌獨請纓匹夫能曲踊  
萬騎可橫行許國輕妻子  
防邊重戰耕俄分上尊酒驟厭五  
侯鯖靜默供三語從容笑  
一枰和深司馬法雄傑二師兵朔  
雪埋烽燧寒結裂旆旌乘  
時收句注即日掃撓揔武昔威殊  
俗文今被八紘琮璜陳始  
畢韶夏教初成芽葉羣妖滅松筠  
百度貞郎官青瑣拜使者  
繡衣迎帝道將雲闡澆波漸砥平  
學徒羞說霸佳士恥為跽  
負杖歌南畝探觚賦壯征才當曹  
斗怯書比惠車盈謝氏怜

兒女郝家貴舅甥唯荒稚珪宅莫贈景山鏡賢疾風流遠江  
湖思緒縈謳亞搖舳艫出沒漾鴉鵲晚對參差碧奇峯迤邐  
晴水喧摠紫艾村響師香旆荷笠漁翁古穿籬守犬犍公初  
白苧卷田餉綠筍擊地與膏腴錯人多富壽并相懽時帖泰  
獨坐歲咿噪唧嘖強吟騁連軒鶴舞楹成風飄疊鼓隣月動  
象箏未得文章力何由俸祿清和鉛還搦持斧自丁驚  
懼疑雕朽功勤過屑瓊疑神披夕秀盡力取朝英蠹簡開塵  
篋寒燈立曉檠靜翻詞客系閒難史官評天地寧舒恹山川  
自寢更祗能分跣惠誰解等殤彭項豈重瞳聖變猶一足豐  
阮高酣麴蘖莊達謝犧牲齧齒无勞話寬心豈可感但從壚  
冶煨莫受蔚羅嬰覘撥萍根沈舟衝蕞穗撐短床編翠竹低  
几凭紅檉霜信催楊柳烟容裊社蘅折排巢燕燕屏畫醉猩  
猩紐檜堆嵐影飛泉撼玉琤艤舫尋遠近握鞶鬪輸贏檻

麗離披芻蕘垂礪磊橙忘情及宗炳抱疾過劉楨野饋誇菰  
飯江南賣蔗飴送神抱尾鼓留客上瓷觥舉檝揮青劍鳴榔  
送遠鉦鳥行沈莽蒼魚隊破泓澄手戟非吾事膏鑣且葢劓  
諒難求標聊欲取鋒幾嘆蟲甘藜還思鹿美萍愁長難  
自翦歌斷有誰庸未去師黃石空能說白珩性湍木激浪言  
莠羅抽萌地僻琴尊獨漢寒杖屨清物齊消臆對戈倒共心  
盟絲曳靈妃瑟金涵太子笙幽栖膝竹塢仙慮繹蓬瀛想象  
珠襦鳳迨飛翠蕊鷲霧簾深香悄雲碧冷敲鏗錄字多隋  
品華陽足弟兄焚香燄一室盡日思層城區影暗蝨色呀空  
渤澥聲吾當營巨蔡東去射長鯨

遊茅山

杜荀鶴

步二入山門仙家鳥徑小魚樵不到處麋鹿自成羣石面迸  
出水松頭穿破雲道人星月下相次禮茅君

送喻鍊師歸茅山

李建敷

沐糧如鏡載顏色似桃紅半醉離城去單衣行雪中水聲茅洞曉雲影石房空莫與子秦時客音書便不通

送許處士堅往茅山

潘佑

天壇雲似雪玉洞水如琴白雲與流水千載清人心君携布囊去路長風滿林一入華陽洞千秋那可尋

宿茅山

徐鉉

茅許稟靈氣一家同上宿仙山空有廟舉世更無人獨往誠遺俗浮名亦累真嘗在各自勉雲洞鎮長春

茅山志金薤編第十二篇上卷之十四

吳興朱德明刊

茅山志金薤編第十二篇下卷之十五

上清嗣宗師劉大彬造

宋詩

將赴南徐任游茅山有作

范仲淹

丹陽太守意何如先謁茅卿始下車展節事君三黜後收心奉道五旬餘因尋靈藥逢芝圃欲叩真關借玉書不用從人問通塞天教吏隱接仙居

寄張道者

有客平生愛白雲无端半老尚紅塵  
枉應金簡名猶在得見仙岩種玉人

寄道士張明真

田況

澹靜姿儀簡曠蹤結菴深對大茅峯坐忘世故愁應少道斷人情語亦慵  
万里信音憑鶴到一厨烟火倩猿供幾時歸侍

虛皇駕七色霞衣九色龍

游茅山

滕宗諒

句曲山中古洞天金堂玉室地相連方當遠子知非日已過  
茅君得道年

寄張明真

王隨

紺髮丹顏氣粹和大茅峯畔隱雲蘿至人朝斗傳靈訣先帝  
觀龍賜御歌町瞳瑞文眠迳草蜿蜒神物戲池波自慚五馬  
來塵外一挹仙風幸已多

華陽逋客

胡宿

小隱華陽客山居不記年酒中常有聖棊下更无仙板得廣  
陵散註成秋水扁吾纓今未濯慚愧舊林泉

登茅峯三首

王安石

一峯高出眾峯顛疑隔塵沙路幾干俯視烟雲來不極仰攀  
蘿鳶去无前人間已換嘉平帝地下誰通句曲天陳迹是非  
今草莽絲流俗尚師傳

脩然杖屨出塵躡雞犬无聲到沈寥欲見五芝莖葉老尚攀  
三鵠羽翰遙容溪影轉迷橫徑仙凡風來得墮樵興罷日斜  
歸亦懶更磨蒼蘚認前朝

捫蘿路到半天窮下視茅州杳靄中物外真游來几席人間  
榮願付苓通白雲坐處龍池杳明月歸來鶴叙空回首三君  
誰更似子房家世有高風

中茅石上見徐鉉篆字

百年風雨草苔昏尚有南唐筆法存只恐終隨嶧碑盡西風  
吹燒滿秋原

謁觀妙宗師值晝寢

張方平

一枕清風靖館深滿庭松檜鬱交陰此時內景人難見月在

泥丸日在心

王晨觀左紐檜

楊傑

華陽山裏千株檜，玉晨殿前一左紐。虬枝龍幹向朝曦，勢與  
榑桑鬪長久。亳州渦水大清宮，老子手植才數九。一檜正與  
此對，同蒂固根深，應不朽。信知福地有靈木，栽種曾經上真  
手。君不見龍從火裏出，虎向水中生。生理尚左不尚右，又不  
見天輪左旋不休止，日月五星如磨蟻。左紐檜蘊至理，上士  
體之能不死。

送洞元法師歸茅山三首

蔡肇

絳節飄飄下紫清，更參隱訣制頽齡。若逢方丈龐眉叟，來受  
囊中赤甲經。

崇寧新閣連雲起，天篆浮空寶氣飛。帝遣羣龍常護守，池  
潭風雨夜深歸。

一菴疇昔共欽，峯古木垂蘿。歲月深恐是三生，房次律要隨  
藤杖去重尋。

三茅風雨圖

筆間雲氣生豪末，紙上松聲聽有無。收得三茅風雨樣，高堂  
六月是冰壺。

贈王荃并序

熊原

荃字子真，富鄭公客。元豐中賜号冲照處士，元符三年從劉  
先生受上清籙。華陽洞便門一夕忽開，自立慈得進洞宮。棧  
閑且千載矣。

華陽新報便門開，應為高人受籙來。試問玉門砂，遠近未饒  
兀放是仙才。

寄茅山道友

丘濬

鳴鳳相邀覽德輝，松蘿從此與心違。孤峯万仞月正照，古屋

數間人未歸欲助唐虞開有道深慚茅許勸忘機明朝又引  
輕帆去紫木年々空自肥

題茅山

陳輔

積金峯頂作屏遮寶閣橫空疊彩霞鶴駕往來茅許宅龍輶  
友會郭楊家洞天有望人如玉塵世休觀事若麻我是方臺  
舊僚友盍尋歸路種雲芽

下泊宮

或陽龍虎此飛昇二弟東山道亦成不見棠梨司命宅空餘  
丹井一泓清

玉蘭

長史北軒多種竹隱居南洞少栽花藍橋西路青々處拾得  
琉璃似席牙

芝朮歌 并序

周邦彥

道心盧至柔得芝一本生於朮間水生石上根須連絡不可  
解遇於白鶴廟之側樵斧斲取之猶含石也邦彥請乞於盧  
寸壽妣父

陽之天諸洞府阿六便門迷處所三君謁帝不知還帳冷  
空遺鶴羽玉津寶氣久成腴靈朮神芝時出土日精潛燭  
自明人力窮搜神不與前年棟撓作新官坎々空岩響斧斤  
君來服禽舞海雪君去山雲雜川雨是生朱草示塵寰故  
追樵青入林莽蘂膏紫漆自堅栗下附天蘇蟠石塢肉人但  
竒稠作藥籠復憂神物取廬陵太守蘊仙風健骨清姿欲  
飛舉陰功除瘼民已悅靈藥引年天亦許願因服餌斷膏梁  
未讓南華養生主

華陽洞

張商英

素虎斑虬躡紫烟幾看滄海變桑田赤城玉笥尋真後又到

華陽第八天

南洞即事

張綱

紫綬金章八十三  
衰殘不稱舊官銜  
頃君寫作歸田老  
野服偷然坐碧岩

送鶴還齊雲

張奎

胎仙誰遣到塵寰  
盡日清吟伴我閒  
不作沖天支遁想  
頗疑携箭佐卿還  
要追鸞駕烟霞上  
肯處雞羣伯仲間  
為語齊雲即看取  
他年我欲訪維山

贈華陽法師

蔡卞

師到華陽洞山華  
幾度開祇應常救物  
却遣世人來將之  
豫章別葆光先生

張堅

西山喚我陪輕舉  
上館留君養大還  
莫起世間離別念  
他年相見兩童顏

鶴廟松

聞采菴者傷其根遂枯其年

誰種飛仙百丈梯  
風摧雨折昔人非  
憑誰竒語揚自外  
留取孫枝待令威

茅山雨中

疎霧雨悶朝晴不  
那浮雲先自生  
傳語洞靈休勒駕  
而今逋客已歸耕

華陽南洞

周文璞

稽首游靈山駕言  
入華陽南洞極闕  
在松深泉水香曲  
凡妙繚畫鉅石刊靈  
章倪首闕雲門冷  
風縈綉裳守菴敬  
愛客暖我紫木湯  
遺我鸞眼錢云是  
洞所藏往有尋幽  
徒入見黃金墻侈  
心或已起幾受竒  
鬼哉凡身倘會遇  
敢恨飛蓬霜更馬  
尺宅地便築安閒  
房朝披神芝圖暮  
試飢飯方

金牛穴

凌兢下危梯頰僂坐深穴側身避雲霧偃而視日月藥苗護  
谿訝竹根噴巖薛安知幽蹊下有此太奇燭金牛鏟光采仙  
牒尚可閱罔頭春已半枸杞如點血便恐顛風興橫吹崖石裂

寄華陽道侶三首

服事三茅過一生癡心只望羽車迎舊時手種黃龍子今解  
拏雲入太清

九錫碑亭日欲曛幽人趺坐對爐熏憑誰為謝桓司馬句曲  
山中只白雲

羽扇臨玄圃霓衣上醮壇九枝松葉冷千葉杏花殘

王晨觀

風鳴長史昇天柏草護仙翁瘞劍瑤像殿前已馬蹟秦龍  
池上有鼉鳴

道中回望茅山

危亭排名岳畢景扶鉤闌白鳥伺察過位即若子亭子去歲負  
笈游徑徃元符間離留叫晝靜洞戶生春寒奇哉老宗師作  
屋雲雨端竟為殺蟲蛾不得升龍宮遺躰既解蛻故宮亦燒  
殘今朔已羊羶千柱扶玄壇遂以兩不借因復窮噴岫入宅  
問玉斧採芝投金環墨治篆結字丹臺氣成盤稽首大司命  
被髮綠曠山兩君控鶴從俱着漢小冠何當從之游惚恍神  
觀還俗累後駟去煮藥鼎欲翻

燕口洞

田霖

燕口龍泓氣象清錢真此處有遺靈仙先去後師猶在女名  
回時洞已扃雲葉尚如披素練泉聲長似誦黃庭碧桃花發  
菖蒲紫留與人間作畫屏

王晨鑒義芳公見訪

毛友

曾看扁舟下國門風吹玉袖欲蜚仙經過弱水三万里解后長



安天百年投老漸諧隨處樂此生只有未償眠茅山木老堪  
鏡斲服食相依倘宿緣

次韻

翁夔深

聞道三茅五洞門偷然來往御風仙雲深騏驎那容步松方  
龜蛇莫問年解后江頭披霧語尋思岩畔枕流眠自憐天柱  
曾孫老句曲清游合有緣

游茅山道中口占須徧游乃成章

周必大

千峯溧陽來勢若西南奔遙拱三茅峯不敢迫至真三茅女  
軒懸次序儼弟昆正西闢夷途羣仙之所門至今下泊宮往  
往弭旗幡

送張達道還山

趙璩

賸借紅塵一日閒有勞妙語徹幽關豈知隱凡如南郭也愧  
移文向北山有意清風恰我佳无心秋月伴君還三茅若問今  
消息為報逍遙天地閒

槽曰菴

呂江

門外竹千箇崖顛兩迤分奔泉流碎月高對曉行雲游客倦  
欲卧道人言少文但去秦學士曾此遇茅君

庚子歲除前一日游茅山

尤袤

犯寒出行邁值此歲去除剛風駕鸞輪送我遊清都華陽紫  
八天仙聖之所居洞門若容人中寬如室廬橫前大溪水於馬  
眼塵區其右石林錯落空翠圓茅菴著深秀細路緣崎嶇  
幽泉見客喜頗亦類迤虛山深日易曛捷徑趨元符琳宮照  
金碧天籟鳴笙竽側觀白雲岩年前瞻赤沙湖金壇傳百丈陰  
何通七途俯視人間世擾攘真蟲蛆蚤以凡陋質忝分赤城符  
豈悟夙昔緣復造神靈墟平生夢寐屢恍若登華胥歸來拜  
綠章足力尚有餘珍館十六所亦能徧遨娛窮探恨不盡太息

切踟躕

華陽洞辭三章

游九言

洞漢澈碧霄晴九華仙子到凡塵涼夜山頭吹玉笛纖雲卷  
夏月分明

露濕草晶瑩起看大地盡瑤瑤下界千門人寂寂空山夜  
靜海波聲

仙子去眇雲程天風杳杳珮環清回望九州烟霧日千山月  
落影從橫

大茅君像

曾極

面如頰玉碧臚寒散髮垂肩樹葉乾不向大茅峯頂見世人只  
作伏羲看

寄溫尊師

趙師秀

幾度題書寄入山不知何處得書看莓苔石上秋吟遠多叫

壇中夜拜寒鶴改新名呼未至碑逢斷刻打應難憶師每欲  
尋師去芝朮我成自可餐

山行

湯志道

攀藤緣絕壑野鹿場過去鳥銜山果來落在鹿眠處

寄凌山人

劉宰

皇冠羽披威威儀新納官錢得度歸慚愧三茅老兄弟一生  
木食草為衣

游山和諸姪

陳序

山南細路半青霄人昔共游非俗交浮玉故鄉驚上國埋丹  
清夢記中茅峯頭仙客歸黃鶴石而靈根走翠蛟見說西園  
渾草莽手栽寸柏已勝巢

茅山

楊至質

玉肺空浮已字山五門不鎖洞天寬紫花可餌秋尋木紅酸

難埋夜見丹畫出一牛方水昔飛來三鵠各峯巖仙蹤寂寞  
高風遠誰為先生指額痕

送茅山劉書記游南岳

憶共住華陽晴藍紫朮香空山今詣關吾子亦游芳草露雙  
芒屣丹經一布囊好登祝融頂紅橋逆搏桑

送林道士歸茅山

鄧道樞

多載事茅君麻衣与葛巾眼知人貴賤心鍊己形神丁甲常  
為使玉侯不得臣華陽歸洞晚芝草幾回春

送王海宗師還山

楮伯秀

湖解天教十載閒玉經功就豚居壇驚塵天目妨龍卧晚歲  
華陽望鶴還入詠五噫丹關近會心玉咲畫溪寒世緣歷盡  
仙緣熟坐斷陪真向上關

大元詩

游茅山五首 并序

盧摯

聞句曲山贍矣迺至元戊子春繇宣部行郡溧陽省俗其墟  
距山麓一舍而近凡隆阜勝川曰洞天福地登諸祀祿者部  
使者至焉禮也予於是有三茅之行至所謂崇禧觀崇禧主  
人鄒姓以心遠自命賓予精舍規構若相茅蕪室邃潔藻絢  
過之真翼然水對竹石間為此山麗瑋勝絕吾二人彷彿相  
與不覺日之夕也遠師衣冠褒然清鞞有奇趣又多藝能托  
意繪畫以幾物化出所畫鶴工緻詣極雖古之善史略无見  
踰而神韻超拔則又得諸方外者如此因舉觴為味翁壽羽  
流之宇於上峯者曰元符萬寧宮亦曰宗壇宗壇師許君翼  
日肅予為神明之觀揮杯倚空引睇无極恨昔之隱居者不  
獲仍且丘以從予游也下探華陽洞穴玉膏泓澗石髮紛紜

涓流赴壑浮花与俱過喜客泉泉方井如澈鑑如承以石砥  
如廣袤丈許深袤尋之半繚以四廡固以高鑄門闔唯謹壘  
齊豆藟厨干以揭虔以祗其泉客至客也泉則喜沸沫滄渠若  
躍蚌胎而貫龍髯者殆不可稱數謂之泉咲否則否異哉予  
何以見咲歸後憩遠師所留山間者既信宿矣主人睽客殊  
未艾也予誦樂不可極為解賦詩為別序以貽之

馬上微風散薄陰玉笙吹客過華林山中宰相香何許日暮  
碧峯雜犬音

澗邊瑤草洞中花細水流春帶碧沙昨夜山瓢酒初熟道人  
不暇讀南華

竹杪飛亭枕石泉松壇香霧趁茶烟鳥聲記得疲來而鹿夢  
驚回別有天

遼天有客訪驂龍好事仙人畫者儂咲卷雲烟收拾去長教

函丈在三峯

山君滿意為山留故遣清泉咲不休万斛珠璣三尺玉要隨  
詩句過宣州

題鄒尊師松鶴圖

翦粉昂丹筆有神道人无夢到雞羣何時醉拊蒼髯客喚起  
茅山共西里雲

茅山作并序

戊子歲除復如茅山己丑春正月朔舉祝

釐之共曉登天市壇遂偕崇禧主人過積金中峯留飲松溪  
方丈以歸遠師玉氣凝潤之室

海風吹曉上三山手把韶華滿意看偶向仙家逢歲朔不知  
人世有春寒梅邊杖屨香隨步雲際樓臺玉作闌万古掛花  
一杯酒醉來騎鶴問還丹

歲旦後四日留別宗壇師松溪許君鄒君心遠五首  
霜袍行客再來時不獨青山慰所思咽路黃冠定奇士半能  
歌我步虛詞

碧溪風日隔人間催出梅花鏡裏看莫為軺車太幽獨剩分  
香玉照春寒

山頭羽客曉相携踏破蒼雲北斗梯偶向茅君岩畔宿卻隨  
猿鶴過松溪

神裏丹砂脚雲堯天甲子漢時春只今句曲游仙夢元復  
商顏避世人

揖雲聊與許君辭月下歸來訪遠師半夜竹聲嗔客去又教  
勞動煮寒枝

賦得松溪呈許宗師  
積金高處擁耕蒼下有深清護石房渴席透林巡琥珀伏龜

隨鶴聞倉浪鷺濤兩岸作寒雨明月一灘流翠霜頗似九層  
臺上坐空青樹落圓光

登大茅峯

梁棟

杖藜絕頂窮追尋青山廿路爭嘔歎碧雲遮斷天外眼春風  
吹老人間心大君上天寶劍化小龍入海明珠沈無人更守  
玄帝鼎有客欲問秦皇金顛厓誰念受辛苦古洞未易潛幽  
深神光不破黑暗惱山鬼空作離騷吟我來俯仰一慨墟山  
川良昔人民今安得長松撐日月華陽世界收層陰一聲長  
嘯下山去草木為我留清音

登茅山

張珪

久矣厭朝市心棲岩壑幽今朝復何朝陟此蒼峯秋玉宇正  
寥廓風籟寒颼颼平生獲壯觀万里供寸眸烟嵐縹緲中青  
原間平疇琳宮一何麗突出寒岩隈茅君此仙去遐想希前脩

胡為塵土幾歲月徒悠々何當乘雲虬八表同周流念々竟  
忘言凝神入冥搜彷彿鷹鶴音還來故山游

### 喜客泉

昔聞喜客泉今來欣見之俯檻一疑貯珠璣沸清池山靈蘊  
神秀出此天下奇嗟予時所忌而泉喜何為丹忱天自知願  
茲諒弗疑

### 晉檜

晉代王氣終劫灰今幾時獨餘此蒼檜鬱々貞秀姿深根盤  
厚地雲漢參高枝風霜固久歷雨露无偏滋一咲媚時榮朝  
盛夕已衰

### 陰陽井

仙人脩鍊地玉井著神功日月雙輪見陰陽兩竅通可堪清  
徹底那更施无窮尚真丹砂力當澆塵念空

### 王晨觀懷古

趙世延

秦龍人去水平池樓墩壇荒有所思落日回廊秋寂々摩挲  
晉檜讀梁碑

### 許長史井

因觀長史陰陽井始悟混元玄牝門一勺三田動灌溉无根靈  
草自春温

### 覽蘇後湖待月南軒墨蹟白雲觀即景用韻

涼颼集庭柯秋氣殊未肅挾雲度崇岡訪古瞰岩谷午茶琳  
宇琴清致超冰玉愧尔白雲人幽栖非碌々

### 華陽道院石亭

秀石噴巖泓水清雲松雪竹護危亭一壺天地開仙境百里  
風烟簇畫屏華表柱頭人易換槐安國裏夢初醒何當借我  
東偏屋靜掩岩扉學鍊形

出茅山宿青元觀

白雲送我出山蹊來宿葛公丹井西莫道歸途清興減夜來和月飲刀圭

與存此山上人山行 吳興趙公作詩意圖

梁大柱

一聲兩聲松子落三片五片楓葉飛夕陽下山新月上道人相送一僧歸

疑神菴

菴廬占勝倚岩扃中有高人謝俗名書卷獨存標月指松風疑聽鳴潮聲袖摩銀鼠花生緇墨洒金鸞車間行回首浮榮空一夢湖光蘸碧遠山橫

計籌秋夕懷茅山道舊

林德芳

兩峯明月各天涯限以具區天以泚秋聲合在颺輪頂借我王倫鐵笛吹

至大三年代祀茅山宿玉晨觀

吳全節

皇馳六轡過華陽晉檜蒼古道場夜鶴唳風清地肺曉龍閣雨護天香三峯恍惚蓬萊境万象昭回草木光青石壇高天只尺綠章封事答吾皇

登大茅峯

第一福地第一峯玉臺積翠摩蒼空大君成道二弟從還丹返老顏如童繡衣趣名凌天風此事千古將无同山高有仙水有龍腹如篆朱砂紅蜿蜒變化理莫窮作霖濟旱年屢豐神仙為市壇朝宗真人渙号芝泥封後鶴相語千載逢葵心耿通宸楓万里六轡馳花鬘香飄龍篆江雲東瑞凝草木氣鬱葱稽首峯頂歌玄功他時歸奉

明光宮

三峯

午夜瑤壇謁帝還，筍輿衝雨兩山間。客來似覺茅君喜，淨掃浮雲出好山。

石徑松雲入步輕，垂空翠雨初晴。風來山閣涼如水，小倚闌干聽鹿鳴。

崇禧觀

曲林古觀水西流，天遣皇華軺玉虬。高士遠分龍虎派，哲人久伴鳳凰游。樓臺山色三峯曉，池館泉聲五月秋。雲案凝香浮洞府，坐令和氣藹丹丘。

牧齋真人華陽道院

鰲載三峯擁客槎，采真訪古意无涯。雲山夜雨棠梨對，宇宙春風棣萼花。龍洞遠分丹井水，鶴松高映赤城霞。宗師應帝光前緒，仙館新開第一家。

鑑止

山泉漱玉雨浪，澗蓄深開一畝塘。若向動中知靜躰，湛然泰宇發天光。

喜客泉

客游華陽天山，迤肩竹輿首登大茅頂。天市神仙居回觀，喜客泉稽首孫仙姑。方池鑑心水泠泠，涵太虛仙君駐驪龍。為吐方斛珠衣，出石崖拍手相歡呼。有情感无情，此理妙鼓桴泉。喜客亦喜主人當，何如我願齋一勺。萬物同霑濡，歌詩謝山靈。臨風重躊躇。

全清境界

境界全清地位高，山中盡日樂陶陶。松剝白石開三迳，可是青山厭二豪。眼底浮榮看草露，耳根清韻起松濤。明朝正馬西湖路，回首靈峯聳巨鰲。



別茅山

長松古道翠深、回首層巒聳積金鶴語雲峯人換世鳳管  
仙路客來今連朝晴雨隨人意到處烟霞感  
帝心如此山川歌不足行看褒袞出詞林

延祐元年五月重祀茅山瑞鶴詩 并序

至大庚戌秋百餘鶴集大峯一宿宗師劉君以其明年入  
覲嘗圖以獻茲以

上命再祀宗壇比至下泊有鶴十二若相迎道遂賦二絕併紀之  
一雨三峯分外青岩華澗草共欣榮茅君聞道天香至先遣  
西山羽駕迎

圖寫丹青上九天秋風百鶴駐山前誰知六轡重來日又見  
排空十二仙

重登第一峯

重登大峯頂晚色正蒼涼華楨烟霞壯幽居日月長碧雲浮  
洞戶清露沁衣裳水淺玄龍躍林深黑虎藏去天疑咫尺勝  
地豈尋常屏俯金峯畫壚分玉案香會仙猶有市濟世得  
无方藥圃多春意丹房耿夜光何時結茅屋稽首禮華陽

二峯

壇高青石古峯小白雲多樂奏仙君喜茶香使客過神丹藏  
蕊發清露滴松蘿路接金鬚背四駟發浩歌

三峯

三峯琳宇壯松老鶴知還江白南徐月樓青北固山浮雲通  
地肺古洞敞天關寄語尋仙者蓬萊只此間

重過喜客泉

万珠寒湧碧琉璃山色天光湛一池客本喜泉、喜客闌干  
倚遍立多時

前度題詩重拂塵，泉迎熟客喜津津。主人不負當年約，為把殊庭捲一新。

震靈方丈贈玉虛宗師

曉起南窓看白雲，道心如水鬢絲銀。當時宣室前墮席，此日仙壇得主人。方外烟霞知有喜，掌中雷雨信如神。夜來親見茅君說五百年間再世身。

閒：真人奉

旨代祠三茅竣事既歸以行卷示予為詩若干首併集庚戌代紀詩援先虛靖書劉靜一詩例求予併書將以傳焉予不見點滎久矣讀之釋然於登高能賦間而有歸羨報上之心又皆以王事而從方外之樂真如坡翁所稱羨者是皆宜書也故為行筆亦以想象同游之意去耳若曰擬虛請則不敢追祐第一重九日嗣天師張與材敬題

送悟侍者游茅山

仇遠

雲開三茅古洞天，借風一柁荆溪船。心綿長在夢此行，舟如登仙汲泉淨。洗黃獨雪斲石深，畊瑤草烟蕙帳香凝。蒲坐暖共讀南華秋水篇。

寄梁中砥三首

僧覺恩

白雲明月本无期，君子長吟有所思。鷹向石頭城畔過，寄書安用牧哉兒。

憶昔吳門商子家，小樓吹雪駐蘭花。人間百番金波滿，一番清愁百洛叉。抹電浮漚豈足憑，餘生只合付騰華。陽盡出金籠，首好是偽山某甲僧。

傷中砥

文溪書到千峯閣，報道良常已上外。共我偶然成百歲，知君

久已伐三彭社中不見丹元子  
母上空傳白石生猶憶去年長  
別處一蓬春雪讓王城

初發金陵夜泊龍灣寄華陽道士 僧大訢

平生不必行万里不必讀盡万卷書  
願為茅山十日客山僧坐  
列羣仙圖大峯楊髻出天關  
小峯萬馬爭奔趨俄頃波濤忽  
破碎木末飛上金畢逋青書  
畫馳壇室靜玉鞭夜擊聞傳呼  
去年獨宿丹井下天風掃地  
迎麻姑今年許入玉柱洞誰遣  
旅食隨橋烏懷人吊古夜寐  
寘寒江月落歸懸懸祖龍埋金  
王氣歇梁宮晉苑沈烟蕪想見  
雲林暎朝日山中宰相良非迂

登三峯

僧智圓

茅氏初成子三分地肺顛丹光時  
隱見石徑遙盤旋黑虎嘯  
清月斑龍馭紫烟陶公如可作  
欲問普通年

登大峯

僧惟則

白雲翦作瑤臺雪寒旭蒸開玉洞花  
山北山南看更好炊烟亦  
是是仙家

天市危闌倚碧空兩京山水見冥蒙  
東來十日風霜路近在  
寒嵐一抹中

游陶塘三館之間

一片松林又一宮開門面面看  
茅峯意行恍惚廬山路歸飯  
僧分上下鍾

雲林清遠四時詞

馮子振

花分石徑縑衣裳蜂忙晴檐燕  
雨香解事野桃吹綺片誰教  
燕到鵲仙鄉

脫籜斑筠綠節明霖收梅子  
凌寒輕諸峯隔截高低對忽秋  
初蟬第二聲

月濕流螢歇嬾烟西南峯缺  
露原田冰簾不倩匡山瀑萬丈

銀潢瀉玉天

嘉平臆釀渴茶鑄直待龍沙雪水烹舞徹瑤臺千歲翮鶴丹  
回施苑長生

喜客泉

倪天奎

斯泉定何神客至粲然喜水何預人事是亦氣機使坐看百  
珠生滅了无已客問從何來如雷起處起

三峯三首

王仁輔

三峯伯仲行茲峯獨雄尊神霄開廣庭坐受淮江奔垂蓋垂  
地肺蔚藍抱天根稽首大司命冷風假騰騫

大峯肩摩天中峯骨蕩雲无剗不古色有花皆仙芬縱月皓  
淮甸游心遺世絲誓將拂金梭畢願從茅君  
僊僊三神君鼎峙三峯顛小君保民命万靈奉周旋風清石  
壇月天近香壚烟安得控丹鶴遨遊接飛仙

山中春日

褚環中

向陽松下雪泥乾野簇催春上客盤一  
莫作舊年看

宗壇秋夕二首

疏綺平雲徹夜開月明峯頂見樓臺瑤璫聲裏天燈近知是  
三真謁帝回

山繞天壇桂月涼斗牛斜掛曲闌傍清吟未徹金鐘奏催上  
朝元午夜香

積金峯訪梁道士

白珽

驚羽穿林看細碎健輿繞石聽欹斜道人住近茅峯此一簇  
樓臺五色霞

京師贈劉尊師二首

揭傒斯

天書三聘出山來南望三茅日幾迴每說浮名先氣短常因

佳客斲肩開逢迎半是琴書典留滯空驚歲月催自嘆山間  
林下客四年風雪與塵埃

知君用意毋難聞常恐山門汗白雲方朔豈能遺漢主魯連  
曾是卻秦軍已无豪傑平生夢賴有神仙不死勳早晚蒙  
恩遂歸計青山多處禮茅君

京師送玉虛宗師還山

吳善

道人野服鹿皮冠曾約茅君駕紫鸞天外至今風露好人間  
何處水雲寬陰之木葉藏經榻藪之林華綴石壇欲趁歸舟  
下吳越凌風飛珮不堪攀

同前

元明善

句曲山高奠楚氣神仙初祖大茅君遙天歸鶴盤秋月幽壑  
潛蛟唵夜雲丹鼎神光松桂室酒壺春色礪溪芹一從待  
詔西清閣石髮梳香得夢聞

題晉楊真人楷書黃素黃庭經

趙孟頫

琴心玉文洞玄金鈕朱錦乃汝傳子能得之可長年黃素頌  
稟完且堅橫理如髮約兩邊從有赤道如朱弦文居其間之  
玄娥飛雲卷舒相終始大道甚夷非力使无為自然有至理  
誰能精專換骨髓明窓之塵不瑕穢目中有神乃識真白玉  
為軼裝車輪裹以天上翠織成仙人樓居儼長生鸞鶴翔舞  
獲狻輕子能得之慎勿驚宮室之中夜自明上清真人揚與  
許焚香清齋接神女手作此書留下五千年留轉子為主東  
方蒼龍石白虎燕不子求貪勿予

茵山

靈丘狀三秀紫雲覆其顛易我朝生質閔彼大椿年  
結茅依茵山焚香俟之蓋真靈幸憫我寇珮時來會

羅姑洞 事見真誥

九疑得道女受事易遷家詩贈金條脫人逢鄂綠華  
蒼梧眇天末聞有綠毛仙却過華陽路人間九百年

霞架海

日芒界金色虹梁飲鳳阿直把天孫袂烏鵲詎填河  
眾水會一壑天近葭霞光晨興新沐竟晞髮向朝陽

鶴臺

靜爽颯靈風神君語帳中至今<sup>姓</sup>又白鶴時下五雲峯  
上有白鶴翔下有幽人居幽人道當成白鶴來不虛

桐華源

華林清散景丹水碧凝脂落葉秋元數宜都懶寄詩  
伊誰植斯桐萋：滿幽谷鳴鳳久不聞何當一來宿

玄洲精舍

梁周處士和談顯桓真人壁不列撰

李基遺故鼎趙嘯絕風雲悠二千載下更復屬夫君  
子有鸞鶴想甘同麋鹿游懸榻應待我分我半玄洲

紫軒

玄窓太霞氣赤書洞古文借問軒中主莫是紫陽君  
林君已仙去紫軒名尚存丹光時或現藥鼎夜常溫

火浣壇

林真人火解事見采真游篇

真火本无候真人自出現問掃劫灰餘幾見紅蓮變  
真陽以解形四大何足靳指窮於為薪火傳不知盡

隱居松

露壇栖妙蔭仙籟降靈氛何時三易帔重拂兩梢雲  
真人在山日所至樹以松當知千載下遺子以清風

玉像龕

瑞儀溫比德寶帔曲流光稽首大司命料理住金鄉  
我有紫虛像白玉雕琢成貢之華陽天萬年蕪降靈

耕雲鋤月二首寄句曲山人

周馳

買田靈山下石多如羊羣造物為我耕種之皆白雲涵涌初  
鬱勃散漫還氤氳收歸方寸間吐作五色文一咲願妻子未  
用愁空園

石田不生禾何以養吾拙中宵披白雲自起鋤明月明月无  
根株滿地散霜雪吾鋤不妄揮要使蕭艾別惜无植杖翁相  
對同此潔

夢游句曲二首

脩竹垣墻映白沙紫清宮殿闕烟霞一條歸路朱弦直三百  
來年不到家

三華對下拜青童語我丹砂九轉功緱氏不逢王子晉甯平  
來訪郭仙翁

次韻華陽道士四首

孫履道

飛神朝鈞天騰輪應紫垣再拜三元君帝一受秘言真空寐  
无聲至道了不煩懸知往古人妙挈元氣根

金壇峙華陽廓通帝居晨啓太霄章寸田茅塞鋤絲擾  
蟬蛸聚人間晷如絳天老受道畢九光迴鸞車

先天有神物久被嗜慾籠浩劫覓无蹤清光涵太空出入眉  
睫間游戲語默中六用混而一大魔從汝攻

聖師禮南真瑤篇啓東華丹篆寫碧牋龍蛇字欹斜虹梁瞰  
東溟良岳天之涯西風鸞背高歸路豈憚賒

暮春計籌山中寄白曲山人

黃石翁

松花落粉啼子規山人燕坐春晝遲石泉豈非大韶樂日色  
猶是鴻荒時筠藍竹杖烟中語青紙丹書林下詩應謝錢唐  
舊知識白雲獨往无還期

和陸龜蒙朝真詞二首并序

袁桷

往歲在翰苑嘗草三茅君制書近白曲外史寄示陸魯望朝  
真詞二章蓋每歲大茅君十二月二日相傳繇天台歸茅山春三  
月十八日復歸魯望所製乃十二月而三月獨缺予不揆用韻  
以補後章縉字書即縉字古率字作率呂道士過三茅因  
書以寄且為異日朝真之資外史詞氣清簡必以予言為陋也  
參差窈窕行雲急翠旌飄露華濕神君夷猶疑未來矯首  
精思若山立瑤臺章徹星斗冷碧扉丹透紅流影春雷迸壑  
人不知獨鶴眠松已先醒

右迎真

妙顏朝迴寶衣解乘龍高馳賦過漢山中老人年送迎一酌  
寒泉過玉薤翠氣紛霏森孔蓋挾以流鈴光縉帝子高歌  
歸去來白月迎雲送飛珮

右送真

寄贈華陽洞隱者

尸坐朝日雙臉醺寢扉晚入香鑪雲苔石縱橫紫絲障菘花  
清淺青霓翥北山猿鶴似有約南岩鍾磬疑相聞更欲深居  
入絕壑築壇夜禮三茅君

同前贈二首

虞集

獨棹扁舟入白蘋陶公故宅去尋真囊盛肘後存丹訣書到  
人間稱道民未覺白雲留住晚也知蒼术寄來煩手栽松上乘  
飛鶴當是華陽弟幾人

隱居聞道无人迹麋鹿來依積雪深每占雲氣得芝木莫恠  
丹光穿對林茅君自騎一席下木客或與羣猿吟知尔此時



最相憶想子飛躡度千岑

次韻二首

僧祖瑛

我居東海君句曲道遠那知消息真仙家自有縮地術夫子无意橫目民遙應洞草玄殫慣不記蟠桃著子頻誰与寄書白土埭好在伴狂史道人

忽一別隔幾塵眼見蓬萊淺復深釣鼈每憶任公子放鶴誰同支道林丹就只應長不老詩成多是獨狂吟明年孰子霞深海先遣飛車俵速岑

同前贈

楊載

羨君高舉入華陽古洞深蟠石路荒蔽日旌幢朝旒飛空環珮琅琅：霞霞已試登真訣紀竈還情卻老方聞說陶公雖隱道猶將道德輔齊梁

同前

薛玄義

歸去華陽古洞天高情蕭爽絕凡緣奪蘿石壁書紅葉散髮雲林卧紫烟長史玉經何日降隱居真訣至今傳江東却擬尋君去合景徇風問上玄

同前

張翥

玄洲別鴨鬱龍接滿谷鱗雲養万松外史編圖金匱鑰隱居留語玉液封丹池雨現龍无角瑤草春肥鹿有茸擬借一龕為洞吏与君來往大茅峯

同前

劉汝

一日書成四海傳華陽始信有儒仙神友和景吹笙夜心在留侯辟穀年重碧拈春瓢貯月硬黃臨帖研分泉山中物色清无限便擬凌雲到洞天

同前

鄭元祐

一自玄洲手結廬研泉不得澗猶除鉤頭石記情人表筆削

山經作志書丹竈曉溫松節酒茶醜春點鞠苗菹殘骸若有  
登真亦欲西游俟羽車

同前

倪珽

道士朝乘白鶴還樓臺金碧鎖空山半天華雨飛幢節一壑  
松風引珮環丹井夜寒光刻石壇春靜藪斑飄然便欲  
尋高隱分我玄洲一半閒

同前二首

李焮

天上神仙白玉扉春雲誰繡六銖衣人間傳得新詩句為有  
高僧到翠微

句容郭裏望三峯綠翠夫容香靄中安得與君騎兩鹿碧岩  
深處聽松風

贈玉虛宗師

王理

句曲山中老鍊師雙瞳如漆鬢如絲自騎玄鶴朝金殿親奉  
丹書拜玉墀名姓每承

明主問篇章多出內臣辭蕭蕭風雨歸來夜白石蒼苔長紫芝  
贈集虛宗師朝京師

茅山道士人不識服氣養神三十年此日雙鳧朝禁闕當春  
獨鶴下遙天若逢物外游方士應問如今第幾傳龍劍玉函  
開寶籙何須重說地神仙

題一峯

三復元

五雲金紫湧仙宮十八灣尖第一峯木石陰風颯方池掬  
看小神龍

二峯

江浙東西指頷間古鑪重蕪鷓鴣斑白潏白髮猶凡骨千里

來登第二山

三峯

曾接靈丹二卯君至今春鴈火燒雲人傳隨後昇空去仙  
鶴飛吟月下聞

同前

薩都刺

玉珮下當下界聞天風吹動碧霞裳劉郎跨鶴遊三島王子吹  
笙到五雲洞府夜光傳玉印石壇月黑禮茅君若逢天上吳  
夫子應問丹砂煉幾分

往遊茅山之中佳致非一但詩思遲未餒道其萬一  
既還因嘗遊之地追詠敬呈集虛宗師

遊茅峯

凱烈拔實

筍輿高入碧巖坑為訪仙人白石壇羽服常來千歲鶴霞衣  
曾駐九霄鸞洞生芝草山藏玉人道琳宮井有丹松下空  
餘處士宅幾為梁帝決時難

喜客泉

春水澄綠滿池圍漚顛湧琉璃江妃解佩珠凌亂  
盪客當盤淚漫垂坤母由來承博厚馮夷何事現新奇倚欄莫  
謂曾無喜且玩清泠潤惡詩

元符山房

坐對千岩翠森萬木攢石函留古劍藥鼎煉還丹雲逼  
山窓濕嵐開澗樹寒春禽知客意啼我暫盤桓

全清亭

石抱幽亭深復深當軒翠竹弄清音華陽山酒盈樽綠  
坐對春泉澆醉心

贈集虛宗師

路入華陽谿水流仙人瓊珮練雲袞松陰石竈丹烟暖洞裏

桃花碧樹幽嗟我塵中迴俗駕無心方外訪瀛洲何當一假  
茅君鶴復向三山深處遊

遊茅山

月忽難

大茅峯頂神仙府石徑崎嶇幾屈盤老兔幻來呈玉印螭龍  
飛去賴金丹喬松白鶴天壇遠流水碧桃仙洞寒何處吹  
笙明月下珊珊環珮欲駭鷹

贈集虛宗師

王謙

已字三峯只尺天龍池一掬雜嵐烟牧齋仙去雲江隱留  
得清名遠近傳

夕客京都喜遂歸日長風細襟袵衣歸來相對青山坐  
松頂丹光繞翠微

我別華陽歲月長夢中時復到華陽華陽洞府應如昔  
直至而今噴鼻香

同前

儲能行

相印心傳本一真豈應鶴馭久風塵清朝大揭無私鑑福  
地當歸有德人瑞澤林原新雨露歲寒壇宇舊松筠  
辨香遙祝山中相柱石華陽五百春

改至元己卯仲夏不雨南臺御史馳香命集虛宗師  
禱雨有感賦詩以述其事

金鑰

大鈞播物生萬殊益夏草木何焦枯上天無雲久不雨金  
陵四境田將蕪臺端御史賢大夫憂民憂國忠義俱徧請  
羣神旱尤甚遂令駉馬茅峯趨駉馬御史如水齒科頭  
赤脚凌崎嶇躬禱茅君輒有應正直自有神明扶貞一  
真人王集虛登壇呪水飛靈符駉馬還臺路纔半云有一  
兩當隨車華陽洞天仙所都臥龍不起誰能驅自非精  
誠通肝嚮何由如此鼓應桴始見霖霖終沾濡不假

噴雷轟九區蘭臺令史駁奔走報此德澤覃膏腴  
然燭一炬香一爐坐致三鶴來相呼豈必西江決斗水輟  
鮒不復為枯魚天瓢一滴垂龍胡洪波平地三丈餘神功  
收斂安可測寂然不動如虛無

登茅山詩并序

淮南冀綺

予佐京兆之四年適弘治辛亥方春巡省於畿縣與通  
府天台范太冲胥會於溧陽館于丫髻山麓話及句容  
之三茅天下名山也吾儕宦遊於斯不一登覽異日不  
無遺憾黎明陸進士徵邀飲而風雨晦冥行者匍匐嘆  
曰山靈不欲吾儕往邪何見阻如此比至分歧處雨忽  
止天忽朗霽甚快人意遂直抵其巔諸山道侶樂以迂  
之極一時登覽之勝乃賦二律以紀其靈異回則曹憲  
副景偕其子寧海守瀾迎宿其家備道仙靈跨壘起人  
之敬慕者允符予意因書郵作以畀觀主沈祖約湯與  
慶鍊師聊以識歲月云

三茅絕頂縱遊觀四顧茫茫眼界寬天為群真開福地仙留  
嫡派護神丹峯頭芝草憑誰采洞口桃花笑我看雨洗塵氛

風兩腋扶搖渾欲振雲翰  
擺脫塵勞快一觀襟懷殊覺此時寬道人相見眼深碧老鶴  
來迎頂正丹洞裏有天無路入碑陰含雨復誰看顧瞻近與  
蓬瀛接擬挾飛仙振羽翰

鳳東野老鄧存德次韻

達者凭虛聳大觀乃知覆載量能寬庇民福國三茅翠起死  
回生一粒丹佳句漫留仙子誦高名還與後人看掀髯振袂  
煙霄上彷彿罡風在兩翰  
雨洗群峯入偉觀環瀛境界許多寬尋真靜裏虛生白訪道  
胸中炳若丹瑤草琪花行處滿琅函寶笈借來看碧紗深護  
新題句輝映天雞五色翰

雜著

謝靈運羅浮山賦序曰客夜夢見廵陵茅山在京之東南明  
旦得洞經所載羅浮山事云茅山是洞庭口南通羅浮正與  
夢中意相會遂感而作羅浮山賦

梁武帝紀齊中興元年十二月乙酉甘露降茅山弥漫數里  
周氏玄通記梁天監十二年甲午臘月望甘露降周子良解舍  
壇前松對

陶真人請雨墨詞

華陽隱居陶和景道士周子良詞竊尋下民之命粒食為本  
農功所資在於潤澤頃亢旱積旬苗稼焦涸遠近嗷、瞻天  
雀息百姓祈請永无感降伏聞雨水之任有所司存願哀憫  
黔首霈垂露渥吁風名雲膚寸而合使洪潦溢川水陸咸濟  
則白鵠之詠復興於今共伸至誠稽顙詞請謹詞天監十四年

太歲乙未六月廿日詞詣向曲華陽洞天張理禁趙丞前  
沈約上隱居書

先生糠粃流俗超然獨遠列霓羽帶捲鬢雲霞方當名書絳  
閣身游玄關憑星夕卧望日朝餐而至理深微暖然難覩雖  
欲下風問道未知厥路若夫栖遲閒遠咀嚙瑤芝出入清都師友  
靈聖循崖迹无缺惟心

度肩吾謝隱居賚术煎啓

切以綠葉抽條生於首峯之側紫花縹色出自郇岩之下山  
精見書華神在籙术祭人謝盡採擷之難成且移申窮的瘥  
之劑故能競葵雲珠爭竒水玉百邪外禦六府內充自非身疲  
掌硯役倦攀桃豈可立致還年坐生羽翼臨沅丹井方覺可  
捐酈縣菊泉无勞復汲庶得遨游海岸追滄子之塵馳騫霍  
山共陳王為侶滌俗輕施尚曰難酬出岵鴻恩寧知上報

又謝术蒸啓

味重金採芳踰玉液之使芝漸明願丹愧夫容坐致延生伏  
深銘戴

唐史天寶七載五月詔後漢天師張道陵册贈太師梁貞白  
先生陶弘景册贈太保

良常山蒼龍溪新宮銘

良常西麓源澤東泐新宮宏崇軒轅雕珉監礎鏤檀竦  
窠碧瓦鱗差瑤階眈截閣巖瑞霧樓橫祥霓錫虞巡猷昌明  
捧闌珠樹規連玉泉短折靈輿遐集聖日頌峙太上存儲无極  
便關百神守衛諸真班列仙翁鶴立道師冰潔飲玉成採饌  
瑤為屑桂旗不動蘭幄互設妙樂競奏流鈴間發天籟虛徐  
風簫冷漱鳳歌諧律鶴舞會節三變玄雲九成絳雪易遷徒  
語童初詎說如毀乾坤自有日月紫陽真人山玄卿誤五雲閣

吏蔡少霞書

唐史敬宗即位年詔浙西造銀粧貝進觀察使李德裕奏云云  
昨奉五月二十三日詔書令訪茅山真隱將欲師處謙守約之道  
設務實去華之美寧先人上塞丹詔而率土已偃皇風豈止微  
臣獨懷抃賀

黃華老人雪溪堂法書刻李贊皇真蹟茅山初置紫陽觀勅  
書於揚州龍興觀李天師菴院取得送還紫陽觀開成二年  
七月廿七日淮南節度使檢校戶部尚書兼揚州長史李德裕  
宗會要諸遣使投龍簡處建道場三晝夜設醮一百二十分若  
遣使或差官致祭設齋醮所須之物並檢舉及時辦集若使  
人過有須索差擾者隨處具奏江南道名山衡廬茅蔣天目  
天台會稽四峒括蒼縉雲金華大庾武夷唐地志亦云  
宋史章聖皇帝遣中使禱茅山遇異人言王真人已降生當為

宋第四帝使問王真人何人曰燧人氏章懿李后夢泪衣數百  
從一仙官自空下及仁宗生宮中火光屬天上五六歲常手持槐  
木以筋鑽之曰試鑽火耳章聖言所謂燧人信不虛也

二十七代養素宗師宣和間洞賓呂公數從游嘗授言曰脩  
性者先伏其心脩命者先澄其神清心正則邪不干矣心  
不能自伏則内生奸火猶丹砂不死見火則飛者矣

唐玄宗行書有賜李含光勅二批答李含光表脩齋二批答  
李含光表謝賜批答李含光表投辭批答李含光表起居批  
答李含光表香信批答李含光表謝脩功德肅宗行書有賜  
李含光勅二批答李含光表脩齋批答李含光表脩功德批  
答李含光表錫繡見宣和書譜

德壽殿紫石茶磨賜中疑神菴御製銘曰  
截漢玉琢蒼筠鉛運頂承成塵損齋



嘉祐中陳倩知句容縣校脩句曲山記近歲士人曾恂重述  
玉晨觀入門有二壇其左即長史壇刻去貞白先生立其右  
去是隱居埋名壇也

三清殿後沐髮老君像甚古

周真人池道士王宜言字子誼号玉自在年七十汴人徽宗屢  
授道官不就

丹砂泉出叢篠訪卧龍松根盤如龍枝如覆屋嘗有道人結  
菴其下

喜客泉太元菴 嘉祐下六則語見周益公集乾道三年游山記  
後湖蘇庠隱居畫像贊

蕊珠妙言字照編簡雲羅三館其人則遠世喪道喪宗節者  
鮮臨終之嘆作世和扁

延祐四年

特賜玉印劍還山省劄

皇帝聖旨裏江浙等處行中書省准中書咨集賢院呈延祐  
四年十二月二十六日也先帖木兒怯薛第三日

嘉禧殿有時不對保兒赤叻南大卿燭赤刺禾里亥留守等  
本院官曲木太保林固大學士陳大學士曹大學士

奏三茅山掌教真人文書裏說將來在先亡宋徽宗時分賜

与本山元符宮宗師玉印一顆上面刊着九老仙都君的篆文  
更玉靴法劍一口是与他代代宗師傳度法錄用底印劍与龍

虎山張天師的印劍一般有至元十二年軍馬渡江時分有翟  
宗師將玉印玉靴劍藏了 在後不知着落至元十六年許宗

師尋得玉靴劍了延祐四年七月十八日晌午時分見一箇白  
面兔兒走入宮裏法堂後磚石穴中尋不見兔兒只見有印

一顆隨即刷洗認辨得即係祖傳的玉印為那股上呈與俺  
集賢院文書來後頭那裏建康路總管府將這印劍解赴行  
省如今差官將到這裏有那印劍是他本宗祖來傳度法錄  
好事裏行用的有怎生可憐見呵將這印劍發回他本山宗  
師收掌依舊好事裏行用怎生奏呵奉

聖旨昨日省官每也這股說來印和劍將到這裏放着有這  
是先生每法錄裏頭用的恰待教人與的張上卿去既這股  
呵如今喚將張上卿這裏來分付與他交他發付與三茅山  
宗師收掌依舊流傳法錄好事裏用者您与省家文書交那  
裏官司知道着麼道

聖旨了也欽此除外具呈照詳都省咨請欽依施行准此省  
府除已行下建康路欽依施行外合下仰照驗欽依施行須  
議劄付者 右劄付三茅山掌教真人准此

### 上清傳真圖序

夫高栖林嶺必先抗青雲之志涵儒玄味必遠尋丹水之源  
凡學有傳孰大於道是以古之學道者以得師為志為師者  
以得人為難而況仙者非有求於人道者初不假於外唯當愛  
清爰靜歸心歸誠所冀真靈感應耳信者功德之母感者進  
脩之賊可不慎與華陽洞天自漢三茅君飛昇于此魏晉而  
降仙者接武神君仙人之所主治雲裾霞佩之所游集蓋地上之  
天宮人間之仙境故昔人謂道門華陽猶儒門洙泗欲以凡言  
讚歎矜覺費辭上清玉虛真人劉君大彬命工傳寫祖師真  
像自紫虛元君凡四五代

俾孟頫人作小傳附書其後藏之山中以貽素葉俾知傳授  
之緒希心存目注无墜玄風竊惟茲山之靈異斯道之顯揚皆  
自貞白真人陶君著書立言納羅搜訪不遺餘力故茅魏遐躅

尚獲彷彿於无言之表揚許蘊迹猶可追想於既逸之餘慨然  
遠懷神情飛越嗟乎安得從陶真人於雷平柳所之間執弟  
子禮以供筆研之役乎庶幾考槃阿鑑性如潭草衣木食  
以終餘年志願畢矣豈敢覬長生不死神仙輕舉耶

大元延祐癸亥年庚申歲九日  
前翰林學士承旨蔡祿大夫知  
制誥兼脩國史趙孟頫序

金華道士錢唐西湖隱真菴開山何道堅施梓

茅山志金薤編第十二篇下卷之十五終



